


DISSERTATIO 2  
POLITICA,

DE IVRE MONARCHIÆ

*liberæ,*

S E V


de mutuis Regis absoluti, & Subdito-  
rum eius officijs.



M. DC. XV.

35-2, A. 26

2



## P R Æ F A T I O.

**D**issertatiunculam hanc,  
quam vobis offero, Po-  
pulares dilecti, pro-  
ut ab amore, erga salu-  
tem vestram profecta  
ita quæso grato animo suscipite.  
Et lubens simul & tædiosus, & in-  
gratus essem. Quare si sententijs  
est referta, saltem brevis est. Multa  
assis in ea desiderabitis, quod ut ex-  
tis, considerate vobiscum diligenter,  
ut tantum vera fundamenta, qui-  
bus rectam vos doceam, iacere:  
opus vero refutandis aduersariorum  
argumentis non terere. Si rem attentius  
trahitis, confido vos comperturos, va-  
rissima quæq; eorum tela, aut contra-

# PRÆFATIO.

rijs thesibus aut tacitis instantijs, & ob-  
 iectionibus (quanquam indirecte sem-  
 per) retorta & repercussa esse. Mihi e-  
 nim propositum est alios instituere, ne-  
 minem, si fieri possit, laceessere. Fructus,  
 quem hinc ad vos redire peropto, est,  
 partim ut secundum fundamenta à me  
 allata actiones vestras omnes sic insti-  
 tuatis, ut deinceps quam ingressi estis  
 proborum parentiumque Regi suo Sub-  
 ditorum viam semper insistatis: par-  
 tim vero ut si in eos incideritis, qui  
 laudabunt aut excusare conabuntur,  
 præteritas, quæ in hoc regno vel alibi e-  
 ruperunt, Rebelliones, aduersus Sirenos  
 eorum cantus exempla. particularia,  
 quæ adducturi sunt, ad normam horum  
 principiorum reuocando, armati sitis.  
 Qua ratione fiet, ut recte iudicetis,  
 sententiam ferentes de omni actione pro  
 qua-

qualitatibus eius solum: non autem ex  
præconceptis vestris de authoribus exi-  
stimationibus: Sic repentēs qui vobis  
ex usu sint, labores meos susceptos inin-  
cunditatem ac delectationem vertetis.  
Sed ne præfatio hæc iusto sit longior, finē  
facio: vosque Deo commendo: me vero  
aquis vestris, & à charitate profectis  
censuris.

C. Φιλόπατρις.

A

3

DE



DE IVRE MONARCHIÆ  
LIBERÆ,

Seu

*De mutuis Regis liberi & Subdi-  
torum eius officijs.*

**Q**UEMADMODUM populo  
vniuscuiusq; loci nihil ma-  
gis necessarium, secundum  
Dei sui cognitionē, vera fi-  
delitatis suæ & obsequij, pro ea forma  
regiminis, quæ inter ipsos stabilita est,  
notitia: in primis autem in Monarchia  
(quæ forma utpote referens Diuinita-  
tem, proxime accedit ad perfectionē,  
prout doctissimi ac sapientissimi quiq;  
post hominum memoriā vno consensu  
tradiderunt: cum vnitas rerum omniū  
sit perfectio) Ita ignorantia & (quæ pe-  
ior

ior est) falsa opinio multitudinis, opera eorum excæcatæ, qui se ad docendum rerum ignaros aptos esse existimant nonnullis, iisque florentissimis Rebus publicis attulit exitiũ: tot etiam ac tam graues coaceruauit calamitates, quæ alijs extremã minarẽtur desolationẽ Fælix verò successus & arridẽs, quem sæpe habuit rebellio cõtra principes seculis superioribus ( tanta fuit temporis calamitas & iniuria ) tanquam praxis quædam, plurimos in errore suo confirmauit: etsi nullum argumentum sit fallacius, quam si semper de causæ bonitate ac iustitia ex euentu iudicium feratur prout pluribus infra sum confirmaturus.

Quanquam vero omnibus Rebus- publ. cognitio hæc necessaria est: nulla tamen vnquam fuit, inde ab ipso rerum primordio, quæ magis ea indiguerit, atque hæc ipsa nostra, quæ tam diu inordinata & turbata iacuit. Ab hac enim & quidem vna ignorantia, quam attigi, infinitæ illæ calamitates, mise-

riæ, & à me illæ, tanquam vberissima scaturigine manarunt: quas multi senserunt potius quam causas earum cognouerunt, aut attenderunt. Amor itaque mihi innatus, quo patriam hanc meam persequor, misericordia etiã, qua commoueor, dum eam videam tam diu distractam, tanquam careat vera illa obsequij subditorum in principem suum cognitione, impulit me tandem, vt silentium abrumperem, cum vt conscientiam meam erga vos (populares dilecti) exonerarem: tum vero vt vos vbi rescoueritis, vnde hæc vestra tam multa & infinita mala, quorum fructus acerbissimos nimis diu gustatis, orta sint, cognitione ac fuga ipsius causas, iustissimos & deplorandos eius effectus, qui ipsam semper & necessario comitantur, auertere & vitare possitis.

Statui ergo hac dissertatiuncula, tantum vera mutui officij & obligationis inter liberum & absolutum Monarchã & subditos fundamenta proponere: nõ autem respondendo thesibus contra-



rijs, quas non puduit nonnullos magno infinitæ multitudinis rerum ignoræ malo, suo vero sempiterno & meritissimo dedecore literis mandare vestra abuti patientia. Eis enim si respondissem, fieri non potuisset, quin interdum acrius in ipsorum personas inuectus essem. Quæ res potius contentiones inter lectores (prout probassent improbassentve) peperisset, quam solide eos in veritate instituisset. Hanc autem mihi vnum hic esse ad quem collimo, scopum, eum attestor, qui omnium corda scrutatur.

*Primo* igitur, cum Monarchia, ut dicebam, verum sit exemplar Diuinitatis, solida fundamenta, quibus mihi superædificandum est, ex sacris literis proponam.

*Secundo* ex legibus huius Regni nostri fundamentalibus.

*Tertio* ex lege Naturæ varijs ab ea petitis similibus.

*Ad extremum* grauissima speciosissimaq; incommoda, quæ contraponunt obijci, diluam.

Officium Principis erga suos subditos tam perspicue multis Sacræ Scripturæ locis descriptum extat: tamque manifeste ab omnibus bonis principib. secundum iuramentum præstant in sua inauguratione, agnoscitur: vt nihil necesse sit, in eo declarando diutius immorari. Paucissimis igitur illud percurro.

Reges à Rege prophetico *Dij* dicuntur, eo quod in terris Dei folio insident, eiq; administrationis suæ rationē reddere tenentur. Officium ipsorum est, *Psal. 101.* populo iustitiam & iudicium administrare, vt idem Propheta loquitur, euehere bonos: punire malos: Bonas leges inter suos stabilire: Et vt eis præstent obedientiam, efficere: vt à multis pijs Regib. Juda factitatum est. Pacem populi promouere ac fouere quemadmodum iterum David docet: omnes quæ inter eos incidere possunt, controuersias, quod fecit Salomo, decidere: Ministros Dei esse, bono eorū, qui bona faciunt, & vt tales in eos vindicare, qui quod

*1. Reg. 3.*

quod malū est agunt, vt habet Aposto-  
lus. Denique vt decet bonos Pastores e-  
gredi egrediq; coram suis subditis, &  
prosperitate sua eorum tranquillitatē  
& incolumitatem procurare. Sicut  
1. Sam. & apud Ieremiam habetur.

Hac de causa non solum Reges no-  
stri, verum etiā omnes ac singuli Chri-  
stiani Monarchæ in solenni sua inaugu-  
ratione iurant, *Primum* se Religionem  
eam, cuius pro tempore in sua ditione  
fit professio, secundum eas leges quib.  
stabilita est, conseruatuos: omnes a.  
qui exercitium eius publicum mutare  
aut perturbare conabuntur, punitu-  
ros. *Deinde* se iustas omnes ac laudabiles  
leges ab antecessorib. suis latas defen-  
suros, easdem administratuos, vtq; ex  
ijs violatores earundem pœnis effici-  
antur curatuos. *Postremo* se regnum  
vniuersum & singulos, qui in eo sunt,  
status & ordines, vt antiquis stuan-  
tur priuilegijs immunitatibusque tam  
aduersus omnem vim externam quam  
internam tuituros & pro pugnatuos.

*Ad summam*, iurat vnusquisque Monarcha Christianus, se id curaturum, vt salus & prosperitas populi sui promoueat, firmeretur, defendatur: non solum antiquas Regni leges tuendo & exequendo, nouasque ( prout necessitas & mali hominum mores requirere videbuntur ) sanciendo: Sed etiam alia omnia media, quæ quidem prouideri possunt adhibendo: Se etiam omnibus imminentib. eis periculis occursurum: concordiam, prosperitatem, vrbانيتatemque inter ipsos, tanquam benignū patrem & sollicitum vigilem futurum, maiorem de ipsis quam de se curam gerens: cum sciat se ipsorum, non illos ipsius causa esse constitutum: ac propterea magno illi Deo, à quo tanquam vicarius ipsis, vt quantum potest, sub animæ suę periculo omnium eorum tam corporis quam animæ curet salutem, præfectus est, rationem redditurum esse.

Atque hoc iuramentum, quod præstant Monarchæ cum Regnum ineunt, cla-

clarissima est ciuilis & fundamentalis Lex, per quam Regis munus & officium definitur.

Legem Naturæ quod attinet, Rex ex ea solemni sua inauguratione fit pater totius populi sui. Quemadmodum autem ex officio paterno tenetur pater curare, vt liberi sui alantur, honeste educantur, pieq; regantur: ita etiam Regis est omnium subditorum suorum affici sollicitudine, vt pater omnes, labores ac molestias liberorum suorum causa susceptas, exiguas optimeque collocatas existimat, modo in ipsorum cedant commodum. Sic etiam Princeps de suis quos perfert subditorum gratia debet statuere. Vt benigni patris est, ea omnia pericula & incommoda, quæ natis suis accidere queunt, prouidere, eaque omni conatu, etiam cum capitis sui discrimine propulsare. Ad eundem modum Rex subditorum suorum pericula perspicere, anteuertere, & ab eorum ceruicibus depellere tenetur. Sicut patris iram & in filios, à quibus offen-

offensus est, animaduersione quamdiu reliqua spes est emendationis attemperanda est misericordia: ita etiam Regis in quosuis suos subditos, qui ad eum delinquant modum. Denique ut rem in pauca contraham, quemadmodum patris est nulla re delectari magis cura de liberorum suorum salute: exultans, si bene contra indolens si ipsis male sit: item subire discrimina, ut tuti sint labores suscipere, ut quiescant: vigilare ut somno fruantur: vnico verbo statuere omnem quam in hoc mundo consequi potest beatitudinem, atque adeo vitam suam consistere & vigere magis in eis quam in seipso: sic etiam principem erga suos subditos affectum esse decet.

Iam ut ad alterum membrum huius mutui vinculi accedam, id est, officium & obedientiam, quam subditi Regi suo præstare tenentur: fundamentum eius peto ex verbis Prophetæ Samuelis diuinitus inspiratis: postquam mandasset ei Deus, ut petitioni populi, Regem eis eligendo & vñctione confirmando annue-

nueret. Qui locus bene intellectus cū maxime huc faciat, ipsissima textus verba adscribenda putaui.

9. *Nunc itaque ausculta voci illorum, veruntamen cum sedulo contestatus fueris contra eos, & indicaueris eis rationem istam Regis, qui regnaturus est super eos.*

10. *Itaq; indixit Samuel omnia verba Jehovæ populo petenti à se Regem.*

11. *Ac dixit: Hæc erit ratio ipsa Regis, qui regnabit super vos: Filios vestros accipiet, ut sibi disponat in currib. suis: Et in equitibus suis, ut currant ante currum suum.*

12. *Et ad disponendum sibi chiliarchas & præfectos quinquagenis, & ad arandum arua sua, & ad metendum messem suam, & ad faciendum instrumenta bellica sua, & instrumenta curruum suorum.*

13. Si-



13. Similiter filias vestras accipiet in unguentarias, in coquas & in pistrices.

14. Etiam agros vestros, & vineas vestras ac oliueta vestra optima accipiet, & dabit seruis suis.

15. Semina quoq; vestra & vineas decimabit, & dabit aulicis primoribus suis & seruis suis.

16. Seruosque vestros & ancillas vestras ac iuuenes vestros præstantissimos & asinos vestros accipiet, adhibebitque ad opus suum.

17. Greges vestros decimabit, denique vos eritis ei serui.

18. Adeo vt clamaturi sitis die illa propter Regem vestrum quem elegeritis vobis. Sed non exaudiet vos Jehoua die illa.

19. Renuerunt tamen populus au-  
scul-



*scultare voci Samuelis, & dixerunt, nequaquam, sed Rex præerit nobis.*

20. *Vt simus nos quoq; sicut omnes istæ gentes & vindicet nos Rex noster, & præcedens ante nos gerat bella nostra.*

Hæc verba Samuelis à spiritu Dei dictata esse, nulla præter istam eget probatione: quod verba sint S. Scripturæ: *quæ omnis vt loquitur Apostolus, diuinitus inspirata est.* Quod quidem principium nemo vere Christianus vnquam negaturus est. Vnde necessario consequitur, hos sermones nō esse profectos ab vlla, quæ Prophetæ, vtpote inuito imperiū, quod iam diu gesserat, deponenti, ac proinde cupido populo dissuadenti, Regis gubernationem inuisam ei atq; odiosam reddendo, importunam precem, qua Regem sibi præfici rogabant, inesset ambitione. Nam vt è textu clarum fit, eos hoc fine alloquitur, vt absolute concedat eorum petitioni, prout Deus ipsi totidem verbis iniunxerat, dicendo. *Ausculata voci populi.*

Atqui multis velle dissuadere illud ipsum, quod concessurus veniebat, virum prudentem parum decuisset, nedum summi Dei prophetam. Similiter vita eius post acta satis ostendit, præcedentem petitionis populi & diuturnam recusationem ab omni animi elatione fuisse remotissimam: quod etiam intercessio eius & quasi importunitas apud Deum, pro Saulis incolumitate satis comprobavit. Immo quanquam Deus ipsi declarasset, se iam Saulem reprobasse, ne esset Rex: tamen non destitit ab instituta pro ipso apud Deum interpellatione. Ista autem eius verba prophetiam non esse de Saulis primi Regis Israelitarum defectione, non tantum ex eo palam est, quod scriptura nullam tyrannidis eius & violentiæ, faciat mentionem, (quæ tamen in ea, utpote vera vitæ ac morum eorum Regum, quos describit tabella, prætermissa non fuisset, non magis quam alia vitia, quib. laboravit) sed etiam quod ipse à Deo propter virtutem ac dona Regi populi sui

con-

conuenientia electus est. Apostasia autem qua postmodum à Deo defecit, à naturæ illius prauitate extitit, non autem ab aliqua Dei culpa: quem alij, qui contra statuunt, populo suo faciunt vitricum, quippe qui regimini populi sui omnium ineptissimum: & quidem volens elegerit: præsertim cum electio ista absolute & immediate penes Deum esset.

Contra autem planissimum est hanc Samuelis ad populum orationem eo spectasse vt appararet eum ad parendū isti Regi, quem Deus ei erat daturus. Hæc causa est quod ipsis aperit, quam non ferendis qualitatibus nonnulli Reges eorum possent esse præditi, vt sic ad patientiam eos institueret: ne Dei resisterent ordinationi, perinde ac si hoc modo eos fuisset alloquutus.

Cum Deus importunæ vestræ petitioni, qua ab ipso Regem petiuiistis, annuerit: peccaueritisq; abijciendo Dei iugum, & præfestinanter Regem quæredō: caute plurimū ab altero præcipitio,

pitio, ne vestrum onus, quod petitione vestra Deus vobis imposuit, quantumvis graue ac molestū esse videatur, eadē temeritate abijciatis. Nā quemadmodum Regem Deo non permittente & ordināte, ferre nō poteratis: ita etiā eo super vos constituto, imperiū eius detrectare non potestis, nisi eodem Deo approbante. Tempestiue itaque patientia & humilitate vos ipsos armate, quandoquidem in eius vnus potestate est Regem deturbare, cuius est euehere & stabilire. Id vnum autem vestrum est, nempe vt obtemperetis, extrema ista de quibus vos nunc moneo, patienter sferentes, certo persuasi, non magis vobis licere ea abijcere, quam ipsissimam Dei manum vobis incumbentem.

Si vero lubet ipsa textus verba ordine perpendere, manifeste reuerentiam & obsequium, quæ modis omnibus Regi suo præstare tenentur subditi, nobis declarabunt.

Principio duo sunt quæ Deus Samueli

muclī imperat: alterum vt populo petenti Regem annuat: alterum vt eos præmoneat de ijs, quæ ab aliquibus suis Regibus erant perpeffuri, ne postmodum cum senserint laqueos prædictos, frementes & obmurmurantes dicant, nunq̃ Regem à Deo eramus accepturi, si nos præmonuisset, nos sic, quæadmodum nunc, etsi nimis sero experimur, fore accipiendos. Id dicitur his verbis. *Nunc itaque ausculta voci ipsorum. Veruntamen quantum sedulo contestatus fueris contra eos, & indicaueris eis rationem istam Regis, qui regnaturus est super eos. Quod Dei mandatum, dum Samuel exequitur, duo etiam facit.*

Primum enim ijs declarat, quibus in rebus Rex eorum iustitiam & æquitatem violaturus sit.

Secundum omnē eis præcidit spem obtinendæ permissionis vtut Regiæ gubernationis eos distædeat, iugum illud quod Deus ipsis importunitate ipsorum adductus imposuisset excutendi. Quæ æquitatis sunt, & Rex ipso-

rum non est obseruaturus his verbis exprimuntur.

11. *Filios vestros accipiet, ut sibi disponat in curribus suis, & currant ante currum suum.*

12. *Et ad disponendum chiliarchas & perfectos quinquagenis & ad arandum arua sua, & ad metendum messem suam, & ad faciendum instrumenta curruum suorum.*

13. *Similiter filias vestras accipiet in vnguentarias, in coquas & in pristices.*

Ea vero quæ iustitiæ sunt à Rege ipsorum non obseruanda, sequentibus verbis enarrantur.

14. *Agros vestros & vineas vestras, ac oliueta vestra optima accipiet & dabit seruis suis.*

15. *Semina quoque vestra ac vineas decimabit, & dabit aulicis suis & seruis suis.*

16. *Etiam greges vestros decimabit.*

Quasi dicat: Præstantissimi & nobilissimi quique inter vos, abiectissima & maxime seruilia officia ei præstare cogentur. Patrimonio suo haud contentus ex optimis vestris agris, vineis, pomarijs, gregibusq; redditus sibi cōparabit:

bit: adeo vt lege ipsa naturæ Regioque munere ab ipso spretis & inuersis, vos liberi, agri, omnes deniq; vestræ possessiones, eius vnus vtilitati & libidini sint seruituræ.

Alterum quod continet, præmonitionem puta, qua ipsis non permissum iri docet, vt iugum abijciant, quod ipsis Regem importune petentib. Deus imposuerit, quantumuis imperiũ Regiũ fastidiant, ea his verbis proponitur.

*18. Clamaturi estis die illa propter Regem vestrum quem elegeritis vobis: sed non exaudiet vos Iehoua die illa.*

Sententia est: cum ipse euentus rerũ harum de quibus vos præmoneo, comprobauit veritatem: etsi eas frematis: tamen vobis onus hoc deponere nõ licebit: nõ tantũ eã ob causam q̃ Rex talis vobis est à diuina ordinatione: verũ etiam q̃ vos ipsi eum Regẽ vobis elegeritis, eaque ratione, omnibus in perpetuum scientes prudentesq; renunciaueritis priuilegijs, ex quib. eã potestatem postmodum essetis ad vos reuocaturi, quod Deus vobis non est concessurus.



Et vt nullum omnino vlli excusationi relinquat locum, aut contractus huius retractationi, postquam in iugi huius, omniumque quæ illud comitabantur, difficultatum, quas ipsis proposuerat, receptionem vltro consensissent, petit propheta, vt respondeant suæq; assentiatur propositioni: quod manifestum fit ab eorum responso, his verbis expresso,

19. *Nequaquam, sed Rex præerit nobis.*

20. *Et nos etiam erimus sicut omnes aliæ nationes: & iudicabit nos Rex noster, & præcedet ante nos, bellaq; nostra geret.*

Ac si dicerent: Contestatio hæc tua & iniquæ conditiones, quas nobis exponis, nos à proposito nostro non deterrebunt: Sed quicquid inest huic regimini boni vel mali suscipiemus, nec detrectamus, quin omnia & singula onera, quæ Regi nostro nobis imponere placebit, non minus quam aliæ Nationes feramus. Quæ quidem onera tanto æquiore portabimus animo, quanto maiores sunt vtilitates, quæ ex eo, quod bella



bella nostra gesturus est, ad nos sunt reditura.

Cum itaque Regni huius & Monarchiæ constitutio inter Judæos, atq; eiusdem lex, exemplar esse queat, imo debeat ad quod omnes Christianæ & bene institutæ Monarchiæ debeant cōformari, vtpote ab ipsomet Deo fundatæ, cuiusque lex sacerrimo oraculo ipsius ore perlato sit sancita: quam tandem vëndicare sibi possunt spiritus feruentes mentesq; rebelles aduersus vllā Monarchiam Christianam libertatem: præsertim cum arrogare sibi ac suis maiorem ea nullam possint, quam Dei populus sibi tribuere potisset nec vlla vnquam Tyrannis maior ab vllō siue principe siue tyranno, quem quidem obijcere queant, fuerit exercita hac ipsa ( si modo hominum corpora, eorum filios, filias, seruosque sic crudeliter habere, nobilissimos quosque viros ac mulieres in vilissimam redigere seruitutem: fortunas eorundem expilare, & in suum vnus, aulicorum item & seruorum suorū

conuertere & abuti commodum, tyrannis dici debeat) de qua populus Dei (cui tamen ne vlla ratione rebellet interdicitur) hic præmonetur? & quo magis magisq; veritas huius assertionis in sacris literis fundatæ ipsa praxi, quæ in iisdem sæpe firmatur, elucescat: non legimus vsquam Prophetas authores fuisse subditis, vt in principem, quantumuis impium, rebellarent.

Quum Samuel, Deo id iubente, huic ipsi Regi Sauli denunciaret, regnū eius laceratum esse ab ipso (quod reuera nihil aliud erat quam ipsum loco suo & dignitate mouere) mox tamen nulla alia interueniente eius actione, domum pacate reuersus est, lachrymarumque largis effusus riuus, à Deo precibus contendit, vt aliqua erga Saulem vteretur misericordia.

Dauid etiam, quanquam in Regis illius à Deo reiecti locum esset inauguratus & crudeliter ab eo non quod male sed quod optime de ipso esset promeritus, infestaretur: non solum vix ausus est, (etsi eum haberet in sua potestate)

vestimenta vñti Jehouæ, cui etiam verbis benedixit, attingere: verum etiam, cum ad eum veniret, qui profiteretur iactaretq; etsi falso, se Saulis esse percussorem: absq; vlla iudicij forma, aliaque in eum inquisitione tantū quod lingua se reum fecisset, eum morte repentina afficiendum curauit.

Et quamuis nullus vnquā immanior extiterit persecutor, nec tyrannus scæuior Achabo: omnis tamen rebellio, quam Elias contra eum suscitauit, fuga fuit in desertū, vbi deficientib. cibarijs à coruis sustentatus est. Neminem autē fore existimo qui dubitauerit, Samuellem, Dauidem, & Eliam non minorem habuisse populo persuadēdi potestaté, si abuti sua authoritate ad excitandas contra hos tā impios Reges seditiones & Rebelliones ipsis fuisset integrum, quā vlli seditiosi concionatores nostris temporibus cuiuscunq; tandē fuerint Religionis, siue apud nos, siue in Gallia, qui præcipue occupati fuerunt in Rebellionibus mouendis & qdem specie pietatis & Religionis, habuerint.

Quod ipsum, ut & ea, quæ hæcenus non nihil attuli, Satyrice, non motus (Deus mihi testis est) aliquo in personas ipsorum odio, sed vnicæ veritatis amore. Si quis vero ut populi pálliet rebellium extraordinarijs nitatur eorum exemplis, qui in Scripturis leguntur, Reges de fastigio suo deiecisse aut interfecisse: qualia sunt Jehu, & si quæ sunt eiusmodi: Ei respondeo, præterquam quod populus ea destituatur auctoritate, qua muniti fuere, quorum exempla adferuntur: si exemplis Sacræ Scripturæ extraordinarijs viuendum sit: cædes sub fidei prætextu ut in Ehu-  
de & Jaele: furtum ut in Israelitis Ægypto migrantibus, mentiri parentib. in fraudem fratris sui, ut in Jacobo, hæc inquam omnia æque ac eodem iure, quo Rebellio contra principes, inter egregia facinora & præclaras virtutes erunt numeranda. Breuiter ut concludam, praxis quæ nobis in tota scriptura describitur, comprobat subditos obedientiã isti diuinæ legis axiomati præstitisse:

stitisse: *Iudices non execraberis & principi  
populi tui non maledices.* 70

Ut igitur finem imponam primo assertionis meæ fundamento, claudant hanc eius partem duo apprime notanda exempla, quorum alterum sub Lege, alterum sub Euāgelio nobis proponitur.

Sub lege propheta Jeremias populo Dei extremam minatur perniciem & interitum, si in Regem Babelis *Nebucadnezare* rebellarent: Persecutor erat, Idolatra, extraneus, tyrannus erat, & hostis capitalis libertatis eorum: nihilominus cum eum recepissent, & pro Rege suo agnouissent: non sufficit prophetæ præcipere, ut ei præstent obsequium: sed etiam vult, ut pro eius prosperitate Deum rogent, & quidem adiecta ratione, quod in ipsius incolumitate ipsis pax futura esset.

Sub Euangelio, Rex ille cui iubet Romanos obedire Apostolus, & propter conscientiam servire, *Nero* fuit crudellissimus ille Tyrannus, æui sui labes, mundi monstrum teterrimum, nec mi-

nus

nus quam Rex Babelis, persecutor populi Dei idololatricus.

Si itaque defectio à Deo, in subditos suos tyrannis & persecutio Sanctorum propter ipsorum professionem efficere nō potuerunt, quin Spiritus Dei suis iniungeret sub pœna longe maxima, ut hiscer egibus omnem debitam sincero cordis affectu, & quidem propter conscientiam, obedientiam præstarent: dantes hoc modo Cæsari, quod Cæsaris, & Deo quod Dei erat, ut Seruator loquitur: & praxis per totam S. Scripturam respondeat huic legi, quam sancivit Deus in Monarchiæ illius fundatione, (ut prolixè antea fuit declaratum) quæ tandem ista impudens erit, præsumptio & arrogántia in hominibus Christianis, si ulli eorum eam hodie sibi illegitimam vindicent libertatem, quam Deus proprio suo ac dilecto populo abnuit?

Quare ne sim longior & paucis sententijs, argumentis hisce ex lege diuina allatis, superstructis, officiũ subditorũ erga regem suum complectar. *Aio*

Aio, eis Regi suo, tanquam Dei in  
terris vicario, esse obediendum: Man-  
data eius tanquam ministri Dei in o-  
mnibus, exceptis quæ directe Deo aduer-  
santur, esse obseruanda: agnoscendum  
iudicem super eos à Deo constitutum,  
habentem quidem potestatem ipsos iudi-  
candi, sed ab uno Deo iudicandum, cui  
soli iudicij sui rationem reddere tenetur,  
metuendum esse ab ijs tanquã iudicem,  
diligendum tanquam patrem: pro eo o-  
randum tanquam pro defensore, vt per-  
seueret in bono, si bonus: vt conuerta-  
tur si malus fuerit: sequenda & ser-  
uanda mandata eius iusta: declinan-  
dum ac fugiendum eius furorem in iniu-  
stis, nec resistendum esse ei, præterquam  
susspirijs & lachrymis ad Deum fuis:  
Secundum illud frequenter in Ecclesia  
primitiua persecutionis tempore, v sur-  
patum: Preces & lachrymae sunt arma Ec-  
clesia.



alia est longe ratio tam nostri huius Regni, quam aliarum Monarchiarum bene multarum, quarum origo prorsus absimilis.

Nam ut proditum est chronicorum nostrorum monumentis, Insula nostra in primis autem hæc eius pars, quam incolimus, vix culta cum esset & inhabitata à paucissimis, ijsq; barbaris, & ab omni propemodum ciuilitate alienis: Primus Rex noster Fergusius, & cum eo magna manus ex Hybernia, quæ diu, ante nostram Insulam, culta fuit, aduenit: eaq; qua suis ex Hybernia adductis viribus qua beneuolentia auxilioq; incolarum, qui ultro partes eius sequuti sunt, subacta, se Regem & Dominum cum totius ditionis, tum etiã omnium incolarum constituit. Ex eo ipse & successores eius, longo post tempore quã rerum essent potiti, leges tulerunt stabiliueruntq;, prout sibi res ferre videbatur. Veritas itaque directe refragatur si de statu nostro quæritur, falsæ eorum seditiones molientium scriptorum assertioni persuadere nobis conantium

C

leges



leges statumque Regni nostri constitutum fuisse, antequam Rex ullus admitteretur. Contra enim clare probatum intelligitis, sapientem Regem ad Barbaros venientem, statum & formam regiminis primum instituisse, postea vero leges tulisse, ijsq; convenienter post eum successores.

Reges igitur in Scotia ante hominum ullos status vel ordines institutos ante comitia vlla, quæ Parlamenta vocant, celebrata, ante vllas leges latas fuerunt: & ab ipsis territorium (quod prius totum ipsorum erat) fuit distributum, status decreti, formæque regiminis introductæ & confirmatæ: Ex quo conficitur necessario Leges à Regibus non à Legibus Reges esse constitutos.

Quod ut amplius probetur, ab instrumentis Archivi nostri (quæ antiquissimas & fundamentales nostras leges habent.) patet Regem esse Dominum omnium bonorum: item Dominum directum totius dominiij, omnes autem subditos esse tantum eius vassallos,

los, & quoscunque possident agros esse ipsius, tanquam supremi domini Feudata: qui ea pro cuiusque erga se meritis prorsus mutat, nouos erigit Baronatus, veteresque vnit in consulto Parlamento, omnique alio inferiori foro. Adeo vt si iniuriam committere cuiquam liceret (quanquam vltro concedam iniuriam pro iniuria habendam esse, à quocunque tandem alteri inferatur.) Regi melior prætextus esset, si pro arbitratu libituque suo omnia destitutus ratione, agros ligijs suis hominibus & subditis tanquam supremus totius ditionis dominus auferret, eosdem cui vellet, cum omnes sint ipsius Feudum, donaret: quam subditis esse potest Regem de solio suo (quod licere ipsis auctores male sani sentiunt) detrahendi, aliumque in locum eius sufficiendi. Sed tam hoc quam illud, vt pote illegitimum & Dei repugnans ordinationi, æque indignum est, vt de eo boni cogitent, nedum vt effectum dare conari liceat.

Legibus his quas adduximus Regni nostri Fundamentalib. respondet praxis cottidiana. In Parlamento enim (quid est quam suprema Regis & vassalorum eius curia?) Leges tantum rogant subditi, à Rege autem vno rogatu & sententia ipsorum constituuntur. Quanquam enim Rex indies constitutiones. sanciat, indictis ijs pœnis, quas conuenire existimat: idq; re nec cum Parlamento nec cum ordinibus communicata: non est tamen in vllorum comitiorum potestate, legem aliquam aut statutum condere, nisi Regis accedente authoritate, quæ vim legis obtineat.

Et licet stirps Regia sæpe fuerit alibi mutata, Regnis vi & armis ab vna ad aliam translatis, prout in vicino nobis Angliæ regno (nunquam in nostro) accidit: idem tamen ius Regium in ditionem vniuersam, eiusq; incolas reliquarum liberarum est, quod huius nostræ Monarchiæ. Nā cum spurius ille Normandiæ in Angliam veniret seq; Regē eius constitueret; annon id factum

vi & præpotente exercitu? Leges tulit, nullas accepit, veteres antiquauit, formam regiminis immutauit, multisque indigenis possessione sua pulsus & deturbatis extraneis, à quibus fuerat adiutus bona ipsorum dedit illosq; in eorundem locum substituit:

Quod ita esse vel illud etiam hodie arguit, quod bona pars Nobilitatis Anglorum ex Normandis oriunda est, eorumque Leges, quibus viuunt, non Anglico, sed spurij illius scriptæ sunt idiomate: Nihilominus successores eius felicissime eo regno in hodiernum diem potiti sunt, prout ij etiã fecerunt omnes à quibus ante ipsum Angli subacti sunt.

Et vt argumentum hoc finiam, Regem totius dominiij supremum esse dominum, similiter firmatur varijs nostris legibus, etiam hodie vigentibus: Thesauraria nimirum de Hæredum defectu & spurijs. Nam si Thesaurus terra effossus inueniatur, cum pro derelicto habeatur, nemine eum asseruante, nec vtente, ex lege Regis esse intelligitur.

Si quispiam hæres agrorum bonorum-  
ue aliorum absque heredibus è vineis  
discedat: omnia eius tam mobilia quã  
immobilia ad Regem reuertuntur.

Si spurius legitimatione, quæ penes  
solum Regem est, non impetrata, nul-  
lisque ex se natis heredib. relictus mo-  
riatur: omnia eius bona similiter Regi  
cedunt. Quemadmodum autem, quod  
clare videtis probatum, Rex totius di-  
tionis, ita etiam omnium qui eam inco-  
lunt, dominus est, habēs in singulos vi-  
tæ ac necis potestatem, etsi enim nemo  
iustus princeps vita mulctabit vel infi-  
mum suorum nisi lege apertissima: ta-  
men leges, ex quibus subditos plectit  
capite ab ipso vel saltem ab antecesso-  
ribus ipsius latæ sunt. Potestas igitur  
semper ab eo est.

Experientia etiam cottidana testa-  
tur, bonos & iustos principes nouas  
subinde ferre leges & constitutiones,  
pœnas earum transgressorib. irrogan-  
tes, cum tamen committere, quod eis  
prohibetur, antequam latæ essent, sub-  
ditis crimini non fuisset.

Non

Non nego tamen antiquam legis & Regis definitionem, qua definitur Rex, Loquens lex: Lex vero Rex mutus. Nā reuera Rex qui suos non regit secundū leges, neque Deo administrationis suæ rationem reddere, nec beatum aut firmum Regnum habere potest.

Nam etsi verum sit, quod pluribus probavi, Regem nimirum esse supra legem, cum & eius author sit, & vim omnem, quam habet ei tribuerit: tamen bonus Rex non solum id operam dat ut subditos suos gubernet Legib. eorumque imperio præscripto: sed etiam omnes actiones suas ad eas conformat: semper innixus certissimo principio, salutem Reip. summam legem esse. Vbi vero animaduertit, leges esse ambiguas, aut nimis seueras: potest eas interpretari & mitigare, ne si non fiat, summum ius sit summa iniuria. Leges itaq; generales publice latæ in Parlamento possent certis de causis & circumstantijs Regi soli perspectis ab eo mitigari, earumque administratio sola ipsius auctoritate differri.

Similiter etiam si dixerim horum Regum actiones suas ad Legis normam directurum; tamen ad eam normam non adstringitur necessitate, sed voluntate & causa exempli, quod subditi imitentur. Nam dum promulgatur lex, ne quis carnibus vescatur *Quadragesima*: Rex quidem eam ab aula sua propter exemplum iubebit observari; nemo tamen est qui existimet, ipsi licentiam carnes comedendi nummis esse redimendam. Legibus nostris interdictum est; ne quis sclopas, cuiuscunque tandem sint generis gestet vel circumferat. Nullus tamen vitio vertet Regi, si comitatui suo eorum usum imperet, cum praedones aliosque homines sceleratos aut perduelles persequi voluerit.

Bonus Rex itaque, etsi supra legem est, ut modo dicebam, curabit tamen ut actiones suae legi respondeant, & ex mera sua voluntate: sed non quasi legi subiectus, nec ad eius observationem obligatus.

Iam postquam ita clare probatum est à me ex legibus Fundamentalibus,

& praxi huius nostri regni, quid iuris & potestatis habeat Rex in ditionē suam & subditos: intellectu perquam est facile, quam obedientiam ei præstare teneantur eius subditi. Loquor autem de eiusmodi liberis Monarchijs, qualis hæc nostra est, non autem de ijs Regib. quib. electione Regna obueniunt: ac minime omnium de eiusmodi Ducib. cuiusmodi sunt VENETIANI, quorū Aristocraticum & certis finib. circumscriptum finitumq; imperium, nulla ratione liberis Monarchijs (etsi ea nonnullorum fuerit malitia, vt non puduerit eos nullum inter vtramq; Regiminis formam discrimen agnoscere) est equiparandū. Quod si nullis principib. nec Dynastis feudatarijs & vasallis, quemcunq; adferant prætextū, licet arguere nec remouere supremum suum dominum (q̃ ipso Sole clarius est ex omnium gentium legibus) quanto minns subditis & vasallis maximi sui domini Regis puta, resistere ei, aut de solio eū deturbare licebit? Nullum est in vniuerso Regno forum in quo fas est subditis



magistratum suum quamuis inferiorē, remouere: neque enim oppidanis integrum est, Prætorem suum deijcere de loco ante tempus quo nouus creandus est: nec in politia Ecclesiastica grex vlla specie potest pastorē suum dignitate sua priuare: neq; etiam de eo ferre iudiciū: Imo ne misellus quidem ludimagister à suis discipulis potest iure rejci.

Quod si hi inquam ( quorum nonnulli inferiores tantum sunt subalterni & temporarij magistratus, nullus autē eorum vlla ratione dignitate cum Rege comparandus ) nulla de causa, nulla specie nec prætextu remoueri debent ab ijs, quibus præfecti sunt: quanto minus licitum existimabitur vllo obtentu magnum Prætorem & ludimagistrum totius regni coarguere & deturbare? Nisi forte tota ratione legum omnium & vniuersi ordinis inuersa, ij, qui parent superiores eorum quibus parent, qui iudicantur, iudicum, quiq; reguntur rectores dominorum præpositorumq; suorum constituentur.

Con-

Conuenientia vero legis Naturæ in hoc nostro fundamento, cum legibus & constitutionibus diuinis & humanis iam allatis à duob. similitudinibus fiet euidentissima. Rex ad subditos suos recte patri liberos habenti, & capiti corporis ex varijs membris compositi cõparatur. Quicunque enim in Dei populo boni fuerunt principes & magistratus se erga subditos suos patres esse agnouerunt & professi sunt. Alias vero Respub. bene constitutas quod attinet, titul<sup>9</sup> Patris patriæ semper tributus est, & plerumq; adhuc Regibus tribuitur. Et certe Regis erga subditos suos munus, cum officio capitis erga corporis & singula eiusdem membra apprime congruit. A capite enim rationis & iudicij sede oritur cura & prouidentia moderandi corpus, & præueniendi omnia aduersa, quæ uel ei, uel parti eius alicui queant accidere. Caput sollicitũ est de corpore, & Rex de suis subditis, ut ratiocinatio & directio à capite fluit: Exequutio a. ei respondens ad cætera mem-

membra pertinet, secundum munus vniuscuiusq; eorū, ita etiam inter principem & subditos se res habet. Quemadmodum iudiciū à capite procedens non tantum vti potest singulorū membrorum munere, quamdiu quidem id obire possunt: verum etiam si vllum eorum affectum sit ac perturbatum, debet prospicere de remedio, quo restitatur: aut si nulla ratione curari queat vt seceatur, ne cætera inficiat: sic etiam princeps. Deniq; prout semper aliqua ipse superest sonandi membrum affectum morbo capitis auspicijs, quamdiu illud sanum est: contra vero si ipsum morbidum fuerit, reliqua omnia membra ei malo communicant: ita etiā res habet inter principem & eius subditos.

Jam vero de patre, cuius *σοφὴν* erga suos liberos prima huius tractatus parte (vbi de Regum in subditos suos officijs) explicui: dispicite quæso, quid ei debeant nati, & an non monstrosum & contra naturā futurū sit, quicqd tandem obtendatur, si filii eius in eum insurgant, ei obloquantur, pro arbitrato suo

suo resistant, eoq; è medio sublato aut reiecto, alium sibi in eius locum adoptent? Potest ne ullus prætextus impietatis aut seueritatis eius legitima esse liberis manus ipsi iniiciendi causa.

Quamuis autem ita à natura comparatum sit, vt amor ascendat potius quam descendat: fac tamen verum esse, patrem liberos suos maximo odio prosequi, atrocissimisq; adficere iniuriis. Est ne quisquam tam ab omni ratione alienus, qui iudicet, licere eis par pari referre? Imo fingamus, patrem furiose filios suos gladio stricto insequi? Quid? fasne ipsis erit conuersis repercutere, aut vlla ratione quam fuga resistere? Sane etsi præter brutorum & omni ratione destitutorum animantiũ exemplum nihil afferri posset, vel illud tamẽ cõfirmando huic argumẽto satis esset.

Haud raro legimus apud authores, summam esse ciconiarum in parentes suos ætate confectos pietatem. Ac generatim nouimus, varia esse tam aliarũ bestiarum, quam volucrum genera, quæ violentẽ, & quidem sæpe non sine sanguine

guine multisq; vulneribus pullos suos, vt primum vident quod seipſos tueri poſſunt, à ſede pellunt. Nunquam autē nobis lectum, nunquam auditum, pullos maioribus ſuis, ſi vyperas excipimus, reſiſtere. Quod argumento eſt, eos quos ratione præditos eſſe decebat, & tamen præter omnē rationē & naturæ inſtinctum exemplum hoc imitantur viperea natura præditos & indutos eſſe.

De ſimilitudine autem capitis & corporis fieri qđdē poteſt, vt caput cogatur membrum aliq; putridum (vt modo dicebā) quo reliquū corpus ſanū ſeruetur ſecare: ſed quo loco corpus eſſe queat, ſi caput proptereaq; infirmum, maliſq; nonnullis obnoxium ſit, amputetur, lectorum iudicio relinquo.

Quare, vt etiam huic diſſertatiunculæ meæ præſenti finē imponā, ſi licitū eſt liberis vllō obtentu in patrem ſuum inſurgere, eoq; reiecto aut exciſo alium ſibi in eius locum pro arbitrato ſuo eligere: ſi corpus vt ſaluum & incolūme ſit poteſt iure propter vllas, quib. laborat caput, infirmitates illud auellere.

Fa.

Fateor causam nullã esse, cur negẽ populo licere, contra principẽ rebellare, eum arguere, & pro animi sui libitu tollere, aut de fastigio dignitatis deturbare. An vero hæ, quas proposui, similitudines, aptiores sint, meliusq; ob oculos ponant Regis officiũ ijs quæ petuntur ab artificib. & Medicis (à quib. tamen plurimum se oblectant ij scriptores, qui se sententiæ nostræ aduersarios profitentur) iudicium similiter penes prudentem lectorem esto.

Quod si aliqua forte hic cuiquã circa ea, quibus de hætenus disserui, suboriantur dubia : respondendo ad quatuor, quæ omniũ sunt præcipua & grauissima quæ adferri possunt (quod me ultimo loco facturum recepi) ei satisfaciam, & sic totam hanc dissertatiunculam absolvam.

Principio obijcitur à multis, q̃ operã suam ponunt in scribendis Apologijs pro Rebellionẽ & proditione, vnumquemque natum esse, vt ea sit in Remp. suã propensione animi & affectu, quo erga matrem est eiq; omnia, quæ matri tene,

tenetur, præstet officia. Bonos itaq; ciues eam quassatam, lethaliter vulneratam & afflictam videntes, quod fit nonnunquam ab ijs regib. & tyrannis amore suo & officio, quo charissimæ patriæ deuincti sunt, induci & compelli, vt manum operi admoueant, vt eam tandem à tam exitiali peste liberent.

Ad quam primam aduersariorum obiectionē duo respōdeo. Primum certissimum esse in Theologia Axioma nō esse facienda mala, vt bona eueniant, ac idcirco Regis impietatem nunquam posse causam esse, vt qui tam diuino q̃ humano iure ab eo sunt iudicandi: eius fiant iudices. Et sane si priuato non est licitum, ab aduersario suo illatam sibi iniuriam vlcisci (siquidem Deus soli magistratui gladij dedit potestatem) quanto minus vniuerso populo, aut vlli inter eos (quum omnes mere sint priuati, autoritate penes vnum ingrātū vt ante docui residente) sibi ad quos nō pertinet, vsum gladii aduersus eum, cuius solius est, Magistratum puta, sumere & arripere licebit.



Secundum respondeo eis tantum habesse, vt Rempubl. leuent, difficultatibus & discrimine in quo versatur liberent: ) quod tamen caput est defensionis, quam pro se adferre solent ) vt potius eas magis magisque in perniciem ipsius accumulent, atque ita fieri, vt Rebellio contrarios prorsus ab eis, quos obtinent producat effectus. Neque enim Rex iam impotens fingi potest, quin imperium eius Remp. melius contineat, eique sit vtilius, quam esse queat ipso e medio sublato introducta Anarchia.

Principio enim omnis in Rebuspubl. periculosa est repentina mutatio, quandoquidē per eam spes fit vnicuique privato seipsum euehendi & alienis plurimis, quod dicitur volandi, omnibus insolentibus, quæ ab inordinata & incompota turba fiducia impunitatis committi possunt laxatis tunc habenis, propter rerum omnium perturbationem. Deinde certissimum est Regem nunquam posse tam deplorate vitij addictum esse, quin generatim faueat iustitiæ ordinemque aliquem in omnibus tueretur & cōseruet,

ijstantū exceptis, ad q̄ soluta eius animi libido & appetit⁹ eū abripiunt. vbi vero nullus est Rex, nihil cuiquā est illicitū.

Comprobat igitur res ipsa veterem Philosophorum sententiam fatius esse in ea viuere Repub. vbi nemini quicquā licet, q̄ in ea, in qua omnib. licēt omnia, ea tū temporis equū indomitū referente, q̄ sefforē suum excussit. Nam vt p̄clare diuinus Salustius: Præstaret aliquid minus cōpositi, nōnullosq; næuos tolerare in Rep. q̄ specie reformādi & corrigendi penit⁹ eā labefactare & euertere.

Alterā obiectionē petunt à maledictione, q̄ Reip. impendit, q̄ Rex improbus administrat: Non potest, inquiunt, vllum opus Deo esse acceptius, nec officium magis debitum Reipub. reddi, quam si ab eiusmodi maledictione liberetur, & homines suam sibi asserant vindicentq; libertatem quam exoptare & persequi omnib. à natura est inditum.

Cui Aduersariorū argumento vt respondeam, fateor Regē impium à Deo dari populo suo in maledictionē & peccatorū, quib. cum irritauerūt, vindictā.

Licere a. ipsis authoritate propria eā sibi à Deo immisſam ꝑpellere maledictionē, nego. Et quid ni negē? An quiſquā eſt qui inficiabitur, Regem Babelis maledictioni fuiſſe Dei populo, ꝑut clare ipſi Prophetia de captiuitate, qua abducendus erat, Deus prædixerat, & interminatus fuerat. Quid fuit Nero, dum vixit Eccleſiæ Chriſtianæ? Et tamen Ieremias & Paulus (vt ante intellexiſtis) nō tantum præceperunt vt eis parerent, ſed etiā vt obnixe pro ſalutē & incolumitate illorum Deum oraret.

Certū igitur eſt, (vt prolixè antea ex lege diuina fuit cōfirmatū) tolerantia, ſerias ad Deum preces, vitæq; in melius mutationē, ſola eſſe legitima media ad mouendū Deum, vt eos graui iſta leuet maledictione. Vindicationē vero libertatis q; attinet, quam tandem habent ſubditi legitimā poteſtatē reuocandī, ſibi que ſumendi illud ius, cui antea tam plene ſcientes prudentesque rēnunciarunt? Si enim immunitates ſtatui vel ordini alicui ſubditorum ſuorum à ſe aut prædeceſſoribus ſuis aliquando

concessas, iuste non potest reuocare: multo minus certe subditis fas erit eam principi eripere supremam & absolutâ potestatem, qua ipse & prædecessores sui tamdiu in ipsos vsi sunt.

Infelix vero temporis iniquitas, quæ sæpe felicissimos cõatibus illorum periniquis, qui Rebelliones excitarunt, largita est successus.

Tertium aduersarijs suppeditat, quod obijciunt. Prosperi successus, inquiunt quos dedit Deus orsis ac cæptibus eiusmodi manifestum reddunt reipsa Deum iustæ autorum eorum causæ fauuisse: Respondeo: verum quidem esse, quod euentus præliorum æque ac rerû aliarum omnium, quæ in mundo accidunt, in solius Dei positi sunt arbitrio, & ea ratio sit, cur in scriptura Deus dicatur exercituum.

Si quis autem ex generali hoc principio concludat eum specialiter iustæ causæ victoriam concedere: eadem opera probaturus est, Philistæos, aliosq; populi Dei finitimos hostes, cum varias ab eo reportarint victorias, iustiore

cau-

causam in eis, quę intulerunt ipsi bellis, habuisse. Quin etiam eadem ratiocinatione bona eiusdem contra Dei arcam causa fuerit. Nam & eam in prælio cæperunt, & apud se satis diu captiuam detinuerunt.

Huc accedit quod omnes melioris notæ scriptores, cum Theologi, tum alij, Monomachias siue duella (quæ tamen eo obtentu ineuntur, quod Deus eorum exitu declaraturus est, vtri parti causa iustior) improbant. Sic enim nobis habendum est, alterum qui extra noxam est, coram Deo non esse innocentem. Fit igitur sæpe, vt Deus eorum opera, qui iniustam tuentur causam, suam ipsius vindicet iustissime, postea vero iræ suæ flagella in ignem abijciat. Quod in Dei populo haud raro accidisse notum est: Iratus enim hostes eis suscitauit, suscitatos cōfirmavit, donec sese coram ipso humiliarent. Tum vero eosdem hostes ipsis tradidit.

Eadem ratione Deus vt summus iudex potest iustis pænis afficere suum vicarium, & cum peccauerit Rebellionē

subditos eius excitare, qui rebellionem ei retribuunt. Id ubi factum est, partes instrumentorum, Diaboli partibus intentandis & torquendis, quos Deus ipsi, tanquã Carnifici suo tradit nihilo sunt meliores. Quare vt à principio dixi, si de causa ex euentu concluditur, argumentũ fit quod fallax sæpe ac futile est.

Postremum quod opponunt Aduersarij, nititur mutua stipulatione, quam vocant, q̃ inter Regẽ & subditos intercedit, quo tempore est inaugurandus. Aiunt. n. ibi pactum iniri inter vtrosque & in illud cũ Regẽ, tum populũ iurare. cõsequens igitur est sententia ipsorum, vt si altera cõtractus pars à Rege infringatur: subditi ad alteram obseruandam amplius nõ sint obstricti, sed ab eo ipso iuramento, quo Regi sese adstrinxerãt, absoluti. Contractus. n. inquit inter duas partes ex omni iure alteram liberat, si altera eum non seruauerit.

Quanquam vero vt huic etiam satisfiat obiectioni inficias eam tale pactum fieri in Regis inauguratione, præsertim quod eam habeat clausulã irritantem, quam

quam isti adferunt. Tamen fateor Regem, cum primum Regnum suscipit, subditis suis polliceri, se honeste & fideliter munere sibi à Deo in eos commissio & mandato functurū esse. Faciat, eum postea promissa sua sic exuere, ut nulla prorsus ratione possit excusari, quæritur, quis sit futurus iudex solutæ ab ipso cōventionis, ut maxime hoc detur pacta ista subditis omni meliori modo pro fidelitatis ab ipsis præstādæ ratione confirmata esse. Neminem esse arbitror, vel minima præditum iurisciuiilis scientia, cui dubium sit, nullo iure nec ciuili nec municipali vllius gentis contractum perturbatum & solutum ab altero contrahentium, ac proinde alterum ab obseruatione eius solutum esse, iudicari, nisi prius à iudice ordinario de eo, qui in culpa est, & contractum solui legitime cognoscatur. Alioquin vnicuique parti & iudici in sua causa esse licebit, quod omnium consensu longe est absurdissimum. In his vero pactis & conuentis, quæ intercedunt inter Regem eiusque subditos vnus Deus omni



proculdubio iudex est, simul quod ei soli Rex administrationis suæ (vt aliquoties iam dictum fuit) rationem reddere tenetur; simul etiam quod iuramento quod præstatur vtrinq; in ipsa inauguratione, iudex & vindex eius constituitur, qui ea interciderit. Enimvero in conspectu eius, vt qui solus iudex eorū est, omnia iuramenta fieri debent.

Quum igitur Deus vnicus sit pactorum iudex, cognitio & vindicta eius solius est: ex quo necessario cōficitur, sententiam à Deo in Regem pacta non seruantem, ferendam esse priusquam subditi se sacramento liberatos esse, statuere queant.

Qualis igitur illa sit iustitia, si idem sit pars & iudex, sibi partes munusque Dei sumens & vsurpans, nemo est qui non facillime ex hoc argumento perspiciat. Et num penes turbam capite orbaram & destitutam erit pro arbitratu & libitu suo subiectionem fastidire iugum regiminis, quod Deus ipsi imposuit, excutere, eum à quo iudicanda & puniēda est, iudicare supplicijsq; afficere:

cere: deniq; in ea ipsa, cui violentia sua se palam fauere & addictam esse profitetur, causa munus seueri iudicis aut arbitri ad se rapere & vsurpare? Imo si quod res est loquamur, nec Rex de populi, nec populus de Regis fide violata hoc casu iudicare deberet. Nam si recte consideremus partes, quo tempore inuicem contrahunt, Rex vna est: subditorum autem vniuersum corpus, altera.

Itaq; cum certum sit, Regem, si accideret, vt totum subditorum suorum corpus in eum rebellasset, non debere tali casu ac si liberatus esset omni promissione sua & iureiurando, hostem se gerere infestissimum, nec moliri omnium subditorum & patriæ suæ exitium: & si debeat in præcipuos vniuersalis illius rebellionis authores & faces iuste animaduerrere; quanto minus igitur populus (qui semper ei subiectus manet & omni destitutus authoritate, quo ad se) poterit Regem suum iudicare, ipsumq; euertere conabitur: si secus fiat, populus vt pactorum aliter, haud citius Regem suum accerset perturbatæ conuentionis:

quam Rex populum eiusdem criminis in simulabit: quæ ratione fiet ut pars sit iudex in propria causa, ut iam ante dictum fuit.

Quo loco similiter notandum venit, officia & fidelitatem, in quæ iurant subditi, non solum eos devincire principi suo, cui iurant, verum etiam omnibus legitimis eius heredibus cum hereditaria successio in regna à Dei populo cæperit, & feliciter in multis Christianorum Rebus pub. continuata sit. Adeo ut nec in principe hæresis, nec statutum, nec lex vlla populo immunitatem afferre possit, qua Regi suo & successoribus eius, legibus Regni fundamentalibus constitutis, iusiurandum præstare non teneatur. Quum ipsorum supremus Dominus hereditarius sit, ac proinde natiuitate seu propinquitate non iure aliquo inaugurationis ad regnum perueniat: non minus iniustum est, (cum corona nunquam vacet) successorem, ne regnum obtineat, impedire ac prædecessorem eijcere. Quo momento enim Rex qui potitur, expirat: pro-

proximus eius legitimus heres locum eius ingreditur. Eum igitur non admittere, aut alium intrudere, non est aditu prohibere, quibus accedere non licet: sed iustum suum Regem præter ius exigere.

Spero autem totum Galliarum Regnum iam agnoscere superstitiosam ligistarum rebellionem, qui obtentu hereseos, vi armata tam diu maximo totius Regni detrimento, proprium & legitimum suum Regem à possessione sua hæreditaria arcuerunt.

*Ista vero utens dissertatione & pro Regibus Apologia, non mihi ea mens est, Principes liberos & absolutos quoscunque tandem committant errores & indigna facinora, nullas omnino dare pœnas oportere: quasi mundus pro eis solis cõditus & ordinatus esset, eisq; omnia q̃ in eo sunt sursum deorsum, absq; vlla cuiusquã contradictione, p̃ animi sui libidine versare liceret. Imo cõtra, cū eos ad*

*Deum*

Deum adesse iubeo (qui unus ipsorum iudex est ordinarius) relinquo eos præceptori, omnium, qui excogitari possunt, seuerissimo. Quo magis enim Rex supra reliquos omnium hominum ordines à Deo euectus est, eius solum sedibus eorum supereminet, eo magis creatori suo deuincitur. Quamobrem si sui sit immemor (cū tanta sit eius ingratitudo, quanta est excellentia) eo grauius futurum est ipsius supplicium. Quanta enim eius est eminentia, tanta erit etiam qua compensabitur, ruina: Quanto enim quis Deo magis obstrictus est, tanto maior ab eo noxa committitur. Iouis fulmina sæpius & grauius feriunt altas quercus, quam humiles salices: subsellium supremum lubricissimum est.

Regem vllum sui erga Deum officij, aut vocationis sibi incumbentis oblitum fuisse, nunquam auditum fuit, quin  
Deus

Deus supplicij grauitate, magnitudinem ingratitude eius vltius sit.

Neque etiam fore existimo, ut argumentis huius meæ dissertationis subditos adducam, eisque persuadeam, ne vlli eorum posthac incitari se patiantur, ut in principes improbos insurgant & rebellent.

Sed committant iustitiæ & prouidentie diuinæ, quæ olim effecit, ut vel pediculi & abiectissimus terræ puluis elati Pharaonis compesceret insolentiam, ut pro bona voluntate & placito excitet in pœnam impiorum Regum flagella. Id unum hic ago, ut in quantum possum omnibus Christianis lectoribus qui nudo nomine non contenti vita sua ac fructibus bonorum operum, quos perferunt quotidie, se reuera Christianos esse declarant, his certissimis & infallibilibus argumentis persuadeam, ut simul mentes & manus ab-

abstineant & puras habeant à prodigiosis istis ac nefarijs rebellionibus quando-  
cunq; eas principis de Deo promerebi-  
tur improbitas: quo, cum, visum fuerit  
Deo eiusmodi Principum flagella, & in-  
dignationis suæ instrumenta in ignē ab-  
ijcere & perdere: vos stare possitis mun-  
dis manib. & conscientijs immaculatis,  
quippe q̄ ostenderitis omni vita vestra,  
vere vos esse quod dicamini erga Deū, &  
officiosos parentesq; subditos in vestrum  
Regē, iudiciū vindictamq; omniū iniu-  
riarū, quas vobis intulit ei, cuius solius  
est, committentes. Sed Deū precatus, ut  
benedictiones suas, nobis perpetuet, spe-  
rans etiā eū facturū esse, nec immisurū  
nobis tā formidolosās calamitates, nec  
desolationem: id vnice opto, ut Rex no-  
ster se gerat & inter nos in posterum  
semper viuāt tanquam Deus in terris,  
parensq; nostri amantiſſimus, eis præ-  
ditus